

德五年僉事李瑾相繼修葺嘉靖八年僉事  
劉道周城築高三尺廣四百五十三丈又開  
一門曰通濟後僉事陸澄謂與縣門相對命  
塞之隆慶元年僉事張士純議爲雉堞鄉紳  
力言士純力舉會因風雨乃止六年知縣馮  
盛宗復查軍三民七之例修之今現開三門  
朝陽長春六峯池塹二道濶一丈九尺週圍  
五百一十四丈成化間都指揮徐寧歐磐鑿  
有魚利所官收之萬曆三十年知縣李榆以



縣與粵西接壤請設立營房以資防守崇禎十三年知縣葉見龍奉文撤去串樓易爲雉堞今因之

國朝康熙六年知縣多弘安九年知縣林長存相繼捐葺修復城樓五座角樓四座串樓三間窩舖二十四間砲臺一十八個梁子五百三十個水關二穴城頗完固十年六月十八日颶風倒壞西城梁三丈五尺府縣捐貲於本年七月二十二日修竣



公署

府治宋元無署明洪武二年同知鄒源建永樂十二年推官廖康正統八年知府朱勤天順三年知府饒秉鑑相繼修葺制中爲堂曰黃堂後爲串堂爲後堂左爲萬益庫右爲退省軒後爲知府廨有左右宴廳有避暑亭堂東爲架閣庫後經歷司爲廨舍東爲同知署西爲刑廳署後爲照磨司儀門前中爲鼓樓樓東爲土地祠祠前爲寅賓館樓西爲司獄



司司前爲府獄獄前爲羈候所大門外有牌坊中曰海北雄藩東曰承流西曰宣化又東爲申明亭西爲旌善亭俱嘉靖二十四年知府胡鰲重建後俱廢康熙四年知府陳良玉力行修復改串堂爲二堂大堂東爲架閣庫儀門大門照牆一一興修重建大門外牌坊顏曰海北雄邦內一面曰還珠古郡六年知府徐化民蒞任凡內外堂房及贊政廳六曹兩廊逐一修復十一年知府徐化民同知田



鍾雨捐俸命經歷林有聲經營重建鼓樓凡五間兩腋開廣崇高顏曰古雄鎮樓又曰聲聞于天規模煥然改觀

布政分司在府治東洪武二年同知鄒源建正統六年知府朱勤正德十年知府向錦各修嘉靖三十二年知府何御重建制中爲堂爲串堂爲後堂爲耳房爲廚房堂前左右爲

廂房爲儀門爲大門

萬曆四十五年副使李守俊改爲海北道衙門

康熙三十三年知府董紹業修克督學道署



按察分司在府治西正統六年知府朱勤建

成化時知府林錦弘治時知府王樞正德時

知府韓鸞各修嘉靖三十二年知府何御重

建制如布政分司後改為山防公署今圮

經歷司署舊在架閣庫後久廢康熙四年經

歷林有聲捐資在于鼓樓西隙地構司署今裁

還珠驛原在縣治西今裁

倉三

廣儲倉在府治西洪武二年建東南廢壞嘉靖二十三年知府何御重修康熙五



十四年奉捐積貯知府

施世驥拓廣之

存留倉

在舊珠廠東嘉靖十九年知府陳健為議處安南建今裁

預備倉

嘉靖七年同知章諍始建在廣儲倉內

河泊所

在城南今廢

陰陽學

舊在府治東今裁

醫學

舊在府治東今裁

僧綱司

在東山寺今廢

道紀司

在元妙觀今裁

白沙場



白石場

官寨丹堦場

白石白沙官寨丹堦今併為白石場大使領之

西鹽白皮場

康熙元年遷界奉裁八年展界復設今俱歸併白石場

合浦縣公署

合浦縣原在府治東制中為堂後為川堂左

為庫前為儀門大門儀門東為土地祠前為

寅賓館儀門西為縣獄堂東為縣丞署又前

為典史署堂西為主簿署康熙十一年知縣

游名柱重修大堂川堂大門儀門二十二年



知縣楊昶重建後樓一座額曰八尺樓修飾  
大堂儀門土地祠併兩廊倉庫扁大堂曰節  
愛堂四十八年知縣連圻修大堂捲蓬二堂  
聳高二尺墊以石柱鼎建西廳

縣丞在縣治東康熙二十四年縣丞張景銓  
捐俸重建

典史向在縣前康熙二十三年建於道署前  
今仍之

高仰司原在縣治北一百二十里  
馬欄墟今在張黃墟



珠場司

在縣治南六  
十里白龍寨

永平司

在縣治東北三  
百餘里寨墟

烏家驛

在縣治西三  
十里今裁

白石驛

在縣治東一  
百里今裁

永安倉

裁

批驗所

在石康  
墟裁

欽州公署

欽州治在城內後岡之上明洪武五年同知

郭儁建永樂十年知州蔡惟溥重修嘉靖十